

مُشَاطِقَاتُ

۱۳۲۶

درسمادنده باب عالی جاده-سند
اداره مخصوصه
محل اداره :

انجمن :
مسکمره موافق آثار جدید مع المکتوبه
قبول اوتور
درج ابدلین آثار احاده اولغاز

دین، فلسفه، ادبیات، حقوق و علوم دین باحث هفته لاق رساله در

درسمادنده نسخہ سی ۵۰ پاره در

قیرلہ دن مقوا بورو ایلہ کوندریلیرسه سنوی
۲۰ فروش فضله آلنیر

درسمادنده پوسته ایلہ کوندریلیرسه ولایات بدلی اخذ اولنور.

تاریخ تاسیسی :
۱۱ محوز ۳۲۴

مؤسسلری : ابوالعلا زین المابدین - ح . اشرف ادیب

سنه لکی	القی آیانی	درسمادنده
۶۵	۳۰	ولا یاتده
۸۰	۴۰	مملک اجنبیه ده
۸۰	۴۰	

ایکنجی جلد

۴ صفر ۳۲۷ پنجشنبه ۱۲ شباط ۳۲۴

عدد : ۲۷

مدبر فکری

مقدمه

انسان فطره تجسس حریص، تحرییه عاشق اوله رق یارادلمشدر. ایستکه صمیم اشیایه نفوذ اینسونده ماهیتلری اکلایسون؛ سرار موجوداته صوقولسونده اونلرک نرمدن کلدکیرینه واقف اولسون. انسانک طریق طلبنده اوکنه چیقه رق رهزنلک ایتک ایستنه بن عجز وحرمان اونی عزندن کری چوپره من. بوحال بشریتک برخصوصیت نمازسیدرکه سویه عرفانی، برکون کله جک، بوکون یتیشه مدیکی بر اوج کاله یوکسلته جکدر.

نظر امتحانسه قارشی برده پوش اولان اسراری اکلامق حریص، ردای مجهولیته بورون حقائقک اوزرنده کی اورتوبی آچق اشتیاق انسانده، هله افراط حس ایله محس اولان بعض افرادنده او درجه یی بولیورکه کویا آتش کسلیلورده بیچاره لرک فلبنی یاقیور؛ روحلری آرتق بدئلرنده طورمیورده سوق شوق ایله یاره یاره اوله رق اوچق ایستور. بونکله برابر انسانه وهله کندیسینی بومقام حیرتن قورناره جق، یاخود روحنک غایه آمالنه، قانون تدریجه تابع اولمسنرین، یوکسله جک قدر قوت ویرلمه مشدرکه بوده نشوة ظفرک چوق زمانلر الیم اولان نتایجندن مصون قالمسی، بعض شدوذك کلیات معلوماندن خارجه بولنسی ایچوند. دیمک اولبورکه انسانک شو حالیده جلائل رحمته منتها تصور اولنه میان خالق حکیمک بر حکمتی بونوع ضمیمه قارشی لاهوتی بر غنایتیدر.

کیفیت حلی بلا استننا هر قلبی اشغال ایدن، هانکی طبقه دن اولورسه اولسون هرکسک ذهنی قورجالایان مسائلک اک بیوکی او حقیقه الحقائقدرکه بوتون بوکائنات روح موجودیتی، ماده الاصل بقاسنی هب اوندن اقتباس ایتش، خفاکا، غیوبدن عالم شهوده هب اونک تأثیریه جیقمشدر. بشریتک بوحقیقه قارشی اولان اهتمامی او درجه یه وارمشدرکه بو اوغورده بوتون آرامی، راحت غائب ایتشدرده آرتق هرطوری، هرخاطره سی سینه سنده او غایه آمال ایچون نه بیوک برتهالک، نه آتشی برتخسر بولندیغنه ترجان اولمقدهدر.

خصیصه حس وشعوره مالک اولمقله برابر ایچنده بو آتش بولغیان یاخود بومسئله حقندکی اهتمامی آزاوان هیچ بر قلب متصور دکدر؛ ولوصاحبک مرتبه عرفانی صوک درجه ده یست، ادراکدن نصیبی غایت جزئی اولسون. زیرا مسئله عمومی اولمقله برابر انسانک کندی حیانه عائد بومسئله خصوصیه شکلنه انقلاب ایدر. حال بوکه بشر آرمه سنده

جامع ازهر شیخه کیتشلر. جمعه کونلری مساجدده عادات جاریه حکمنه کچمش اولان بر حرکت حقنده کی مطالبه نی صورمشلر. [شیخک علوم دینیده کی موقعی ایسه معلومدر] استاد فنوا سنی سنت رسوله توفیق ایدرک بو حرکتک شایان اجتناب بر بدعت اولدینتی سوبله مش. شیدی نه ظن ایدرسکز؟ عجیبا مستفتی مفتینک ویردیکی فتوی موجبجه عمل ایده بیلدی؟ هیات! برچوق قیلوقال، بر آلائی سؤال میدان چیقدی، نهایت ایشک ایچنه بر معناد سیاست بورتی صوقدی. زمان حقیقتک اک بویوک معیندر، بز بواشی بویله بولمش ایدک. بناء علیه حالی اوزرینه بر اقیرز، دینلیدی.

بافیکز عطالتک شامتته که عوام ایله اولنری ارشاد ایده یلمسی مأمول اولان علما آرمه سنه تفرقه دوشورویورده امردین شریعتدن نصیبی اولمیان بر طاقم جهله یه قالیور. ایشته بوجهله جماعتک اذهاننه اوله خبیث تخملر صاچدیلرکه امت مضرتدن باشقه بر محصورولی کورمیه جکدر.

بوتون بر عالم شریعت قانقسه، قرآنده، حدیثده، مصرح اولدقن باشقه اسلاف کزینک اجاعیله بابت اولان بر حکم الهی نبین ایتک ایستسه همان قارشیسنه بر قاره جاهل دیکیلرک «ما سمعنا بهذا فی آبائنا الاولین» دییه فریاده باشلار.

آباء اولیندن مرادیده یاخوجقاغنده یاغلی باشلی کوردیکی، یاخود کندیسینی اضلال ایدن جهله دن اسملری ایشدیککی آدملردر. بناء علیه بوکون عوامی ارشاد ایتک اک بویوک، اک مشکل برایشدر.

نه سوبلیه یم یلم که؟ حریفک بری چیقیور، عبادت نامه دیناً اک منکر بر حرکتده بولونیور. یایه دینه جک اولسه قبول ایتدکدن باشقه خوموردانه یه باشلیور. یول بوینده طوروب چولوغک، چوجوغک، حتی قادیلرک قارشیسنده استبرایدن بر طاقم موسوسلرک حالی کورمیورمیسکز؟ یازق که شو تربیه سزلکیده تقرب الی اللهی موجب بر عبادت تلقی ایدیورلر!

ایشته عوامک حالی بویله. دیندن اولمایان بدعتلری دین ظن ایدیورلر. باخصوص وقتیه کندیلرینه بو بدعتلری دین نامیه تلقین ایدن جهله نک سوزلرینه ایچو، باغلاندقلری ایچون آرتق علمی شریعتک ارشاداتنه قولاق ویرمیورلر. بوکون ارباب شریعت یایه جفی ایش دینک عصر سعادتده کی، عصر احبابده کی مساعدده کار، سمع شکلنه عودت ایدرک او صورتله حرکت ایتدکدن، مسلمانلانی اوصفوتیه، اونزاهتیه محافظه ایتدکدن، ناساده کوزل بر نمونه اولمقن عبارتدر. مصر مفتیسی مرحوم شیخ محمد عبده

مترجمی: محمد عاکف

فردی بود که حیاتی قید ایتسون، یا خود نظر نده. بقا ایله عدم مساوی کورونسون.

حیاتی سومك، هر شیئه ترجیح ایتك، هر صورتله مدافعه ده بولنق، اونك اسباب اطمینانی، راحتنی آراشدیرمق انسان ایچون جبیلدر؛ بشر بوفطرتده یارادامشدر. یا انسان کنندی اصلی تئیز، دهاطوغروسی بوتون موجوداتک اصلنه، ماهیته قارشنی کشیف برجهل ایچنده بولونورسه بومقصدی نصل استحصال ایده ییلیر؟ قابی نصل راحت بولور، خاطری نصل سکون کورورکه دها کنندی نصل نه اولدیغنی نرمدن کلدیکنی، نرمه کیده جکنی ییلیر؟ هانکی قورقاق وارددرکه نفسنه کلنجه اهتمام ایتسون؟ هانکی حسدن محروم وارددرکه ایش حیاته طایانجه درحال کنندی طویلامسون؟ کنندی محیط اولان اجسامی ییلدیکی ایچون یانوب یا قیلان، اطرافنده کی سرأر خلقتی یوکسک برموقعدن تماشای املیه جسمانیتنیدن تجرد ایتك درجه لینه واران انسانک حالی نه اولمق ایجاب ایدر دوشونولسون که اصل الاصولدن، حقیقه الحقائقدن بی خبر بولونیور؟

اوت، واقعا انسانلر آره سنده او یله لری وارکه گندیلرینه بویله برحس کلدیکی زمان مفکره لرینی باشقه شیلرله او یلا یه رق او نی ذهنلرندن چیقارلر. لکن هیز ییلیرزکه بوقیلدن اولان آدم لر عمرلری ایچنده هجوم آلام ایله حیاتلرینی محو اولمق درجه سینه کتیرن زمانلر بولندیغنی هر کس دن اول اعتراف ایدنلردر. او بحرانی زمانلر ایسه برکون کله رکه کنندی نفسلرندن بیله یزار اوله جقلرینی، انسانه طوبراق اولوبده روزگارلرک، قاصیرغله رکه اوکنده صاورولمسنی تنی ابتدی رجه جک قدر شدید بروجدان عذاب ایچنده قاله جقلرینی دوشوندکلری ساعتلردر. عجبا پتیرستك اصنام اوکنده سجده ایتکدن مرادی، دینسزک فنای موجودیتی حقنده برچوق دلائل کنیرمکدن مقصودی ندر؟ هایدی دیه لم که اولکیسی بوعالمده کی شدائد بی نه ایدن آسوده قالسی ایچون اله بمجمله دخالت ایدیور؛ یا ایکنجیسنه نه اولیور؟ عجبا اوکا صفای حیاتی تعقیب ایدن ظلام عدمی آسان کوره جک قدر براعتدال خاطر، برصلا بت قلب ویرلمشیدر؟ هیسات ا حقیقه قسم ایدرم که الحادیاتی بازارکن اولمحدک ایچندن قان کیدیور؛ کمال تأثرندن روحی اریور! حتی او نی تفلسفده بوقدر تکلف اختیارینه مجبور ایدن سائق سهام شهبانک هپ قلبنده آچدیغنی یاره لرده، باشقه برشی دکلدر.

ایشته بونلرک شو صوک زمانلرده استحضار ارواح «اسپریتیزم» مسائلنه قارشنی — بز شرقلیلری حیرنده براقه جق صورتده — کوستردکلری تهالکده دعوا مزه بر دلیدر. شبهه سز بونلر کونده بیک کره کندیلرینی اولدورمکده اولان شکوک وشهباندن قورتولمق

ایچون برمنفذ کوردیلرده مادیونک تلقینات الحادیه سی یوزندن آجیلان جرجهلری مشاهدات حسیه لرله مداوات ایچون هر طرفدن اومنفذه طوغرو هجومه باشلادیلر.

سرد ایلدی کمز سوزلردن آکلاشیلیورکه مسئله لاهوتیه بوتون مسائلک زبده سی، بوتون مشکلاتک نقطه انحلالیدر. او نی حل ایدن سعادت سرمدی به مظهر اولور، هر کدردن قورتوله رق هم کنندی هم ده اولادینی بختیار ایدر. او نی غائب ایدن شرف بقادن محروم قالیر؛ سهام شدائد هدف اوله رق دنیا ده آلام ایچنده یاشار؛ عالمدن مأیوس کیدر.

اوت، بواویله بر مسئله درکه يك اسکی زمانلردن بری بوتون حکمای عالمی اشغال ایتش؛ بوکونه کلنجه قدر ارباب عقولک مشغله یکانه سی اولمقدن کری طور مامشدر. مع مافیه فکر بشر ترقی ایتدیکه مسئله نك صور کلنجه برچوق تبدیلات اجرا ایدلمش، دلائل و براهینی تعدیل اولمش، محاکمه به دها زیاده حریت ویرلمش اولدیغدن آرتق سهولت استدلال جهتیه بونکده مسائل ریاضیه صره سینه چکسینه آز قالمشدر. بوایه بشریتک فضیای ترقیده آتدینی آدیملرک اک بویوکیدرکه اون طقوزنجی عصرک مخصوصات ممیزه سننددر. بونک ایچون بزده ابنای ملتی ترقیات فکریه حاضر نك نتایجندن بیکانه براقامق ایتدک، مقصودیمز چوق دفعه لرتکرار ایدوب طوردیغمز شوسوزک طوغریلغنی براهین حیه ایله کوسترمکدر؛ بشرک ترقیات علیه ساحه سنده آتمقده اولدینی هر خطوه بزم فطری اولان دینزه برتقیدر. ایش نهایت اورایه وارده جقدرکه اسلامک الهی بر دین اولدینی بوتون عالم طرفندن اقرار ایدیه جکدر.

مترجمی: محمد هاکف

مُعَاظَاتُ

مقررى
مناسقرلى اسماعیل حق
محررى
ح. اشرف ادیب
۵۲ درس — مابعد

مثلا: کچلرده بالقانی طومتق عهداً حقمز ایدی. بلغارستانه روم ایل شرقی آراسنی آیرمق بزه عاندایدی. اوروپا دولتلری ده موافقت ایتدیلر. محافظه حقوق دولت و ملت ایچون برطاقم کیمه لر چالیشدی، غازی عثمان پاشا کبی ارباب حیت ابراز مساعی ایلدیلر. لکن اوله مدی. ارکان استبداد: — آدم ... نه مزه لازم اوراسی؟ دیدیلر؛ استانبول قالسون بزه یتر! .. روم ایل شرقی کیتش، نه مزه کرک؟